

兩位準人妻湯洛雯（靚湯）與何依婷昨日出席活動，靚湯笑言親力親為籌備婚禮，為了慳錢經常講價，慳埋夠去旅行！她又爆未婚夫馬國明（馬明）佔有慾強，不想她拍激咀戲，但靚湯未有介懷，反而甜絲絲說：「我寧願佢係咁，好過佢唔在意我。」

■何依婷舉辦小型婚禮，只招呼至親好友。



■蘇志威與劉小慧恩愛到場。

搞婚禮狂講價 慳埋夠去旅行 爆馬明佔有慾強 靚湯：好過唔在意我

湯洛雯、何依婷、蘇志威

及太太劉小慧昨日出席婚嫁服務頒獎禮，提到靚湯跟馬國明婚前不停接工作搵真銀，她笑言：「多多都唔拘，因為搞婚禮嘅使費的確唔少。」她事事親力親為，沒有聘用婚禮統籌師，因此變成精明師奶：「我經常去講價叫收平啲，但馬明覺得係小數目，我就覺得慳埋可以去多次旅行，但我哋一開始籌備婚禮已經講明唔可以嗌交，所以遇到攸或好叻時，大家就冷靜一下，到依家我哋都有啱過交。」

靚湯與馬明將於亞熱帶地方舉行婚禮，靚湯表示考慮雙方父母年紀大，不宜坐太長途機程，但她依然不肯透露婚期，只稱在香港過聖誕。談到馬明預告在婚禮上跳舞，靚湯笑言：「其實唔係玩新郎，係外國好流行一對新人嚟婚禮開始時共舞，拍片會好有紀念價值，所以請咗老師教我哋跳舞，仲叫老師教馬明一啲超容易嘅舞步，只要佢咁咁度帶住我轉個圈。」

馬明在新劇《新聞女王》跟何依婷有多場激咀戲，靚湯表示只看了二人在後樓梯激咀的一幕：「我覺得好好笑，當然有呔醋，我未入行佢都拍咗唔少親熱鏡頭啦。」雖然她

不介意未婚夫拍激咀戲，但相反馬明只想她拍蜻蜓點水的吻戲，她笑言：「男人都係佔有慾強，正常嘅，我寧願佢係咁，好過佢唔在意我！但佢會尊重我，拍之前會問我。」

何依婷婚宴 唔請余詩曼

何依婷透露跟未婚夫做了過大禮等中式儀式，只是尚未註冊，她說：「試過搞婚禮先發覺自己原來唔係特別執着，好似婚禮舞台有啲花同燈加唔到上去，我都由得佢，少少唔開心都有，因為覺得婚禮只係一日，但婚姻係一世，唔想為咗個婚禮同另一半鬧交。」她笑言跟未婚夫都是「佛系」性格，沒試過為籌備婚禮鬧交，並指雙方家長都沒有要求，故不會大排筵席。問到會否邀請《新》劇女主角余詩曼和李施嬅出席婚宴？何依婷說：「都有位，佢哋會明白，我只係搞小型婚禮，不過之前首播飯局，我未婚夫去咗同大家打招呼。」



■湯洛雯與馬國明（圖）互相體諒，籌備婚禮至今未試過鬧交。

AGA 作歌冇人吼 感激薛凱琪賞識

江海迦（AGA）日前在東莞舉行《AGA ONEDERFUL LIVE》第2站巡迴演唱會，邀得創作生涯中非常重要的人擔任嘉賓，她就是薛凱琪（Fiona）。AGA出道前做作曲人，創作3年未獲任何歌手賞識，直至Fiona聽到《Better Me》的Demo，便向公司提出一定要錄這首歌，成功令AGA賣出第一首作品。AGA透露因為失戀而創作《Better Me》，希望激發自己，Fiona得悉後說：「雖然你係愛情上嘅失戀，但我係成個人人生都失戀！人生呀，個腦呀，好多方面都……就係因為呢首歌嘅Demo鼓勵到我，所以我就同公司講一定要唱呢首歌，其實我

當時隻碟係已經夠歌，但我都一定要唱。」二人首次同台合唱《Better Me》，AGA更一度感觸得眼泛淚光。

另外，AGA日前綵排時弄傷右腳，導致膝蓋位置筋腱發炎，由於舞台設計呈傾斜角度，加上開場時Solo部分有坐在地上嘅舞步，對膝蓋造成壓力，故排舞師特意改動舞步，讓AGA順利完成演出。

■AGA（右）一直視薛凱琪為恩人。



惠英紅 母愛感動觀眾

由張小斐、李鴻其及惠英紅主演的電影《拯救嫌疑人》，於內地上映至今力壓荷里活大片《Marvel隊長2》和《飢餓遊戲前傳：鳴鳥與靈蛇之歌》，票房理想，當中最受觀眾讚賞是惠英紅的影后級演技。惠英紅坦言收到劇本時已被當中的母愛感動：「對於一個母親，最大的力量就是保護好自己的孩子。」

她非常感激母親，讓她一早感受到母愛的偉大，這種感受幫助她完成戲中的詮釋。



■惠英紅好戲眾所周知。



■黃劍文（左）與劉威煌雖有舞台經驗，但每次比賽都心情緊張。

黃劍文化濃妝扮Rock搶分

《中年好聲音2》前晚舉行謝師宴，參賽者黃劍文受訪時透露日內將由元朗搬往港島區：「之前忙港姐同台慶綵排，一來一回真係有得瞓，我好想專心應付餘下落嚟嘅比賽，所以有咁嘅決定。」問到可有信心殺入3甲？他

說：「我覺得信心係不斷累積，最緊要係狀態好，唔可以心散。（冇乜新策略？）嚟緊我會冇突破，會化濃妝扮Rock。」至於劉威煌坦言參加比賽後獲益良多，與大家培養出真感情：「會互相提點，大家有鉤心鬥角。」